

CL. bonam atque iustam rem oppido imperas et factu
facilem.

705 et scilicet iam me hoc voles patrem exorare ut celet
senem vostrum? *SY.* immo ut recta via rem narret ordine
omnem. *CL.* hem

sati' sanus es et sobrius? tuquidem illum plane perdis.
nam qui ille poterit esse in tuto, dic mihi?

30

SY. huic equidem consilio palmam do: hic me magnifice
ecfero,

710 qui vim tantam in me et potestatem habeam tantae astutiae
vera dicendo ut eos ambos fallam: ut quom narret senex
voster nostro istam esse amicam gnati, non credat tamen.

CL. at enim spem istoc pacto rursum nuptiarum omnem 35
eripis;

nam dum amicam hanc meam esse credet, non committet
filiam.

715 tu fors quid me fiat parvi pendi', dum illi consulas.

SY. quid, malum, me aetatem censes velle id adsimularier?
unus est dies dum argentum eripio: pax: nil amplius.

CL. tantum sat habes? quid tum quaeso si hoc pater 40
resciverit?

SY. quid si redeo ad illos qui aiunt "quid si nunc caelum
ruat?"

720 *CL.* metuo quid agam. *SY.* metui'? quasi non ea potestas
sit tua

quo velis in tempore ut te exsolvas, rem facias palam.